



BVLLA

SANTISSIMI DOMINI

NOSTRI ALEXANDRI DIVINA

PROVIDENTIA PAPÆ VI.

CONFIRMATIONIS, ET INNOVATIONIS

Privilegiorum, & Bullarum Ordinis Beatae Mariae de Mercede Redemptionis Captiuorum, & precipue, ut possit iudices Conservatores deputare.

ALXANDER Episcopus seruus seruorum Dei: Dilectis filijs Magistro, & fratribus Domus Barchinonen. Ordinis Beatae Mariae de Mercede Redemptionis Captiuorum, salutem & Apostolicam benedictionem. Cum a nobis petitur, quod iustum est, & honestum, tam vigor æquitatis, quam ordo exigit rationis, ut id per sollicitudinẽ officij nostri, ad debitum perducatur effectum. Ea propter dilecti in Domino filij vestris, iustis postulationibus, grato concurrentes assensu omnes libertates, & immunitates a Prædecessoribus nostris Romanis Pontificibus, siue per priuilegia, vel alia indulta, vobis, & domui vestrae concessas; neque non libertates, & exemptiones secularium exactionũ a Regibus, & Principibus, ac alijs Christi fidelibus, vobis & eidem domui rationabiliter indultas, sicut eas iuste & pacifice possidetis, vobis, & per vos, eidem domui, auctoritate Apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostræ Confirmationis, & Cõmunitationis infringere, vel ei ausu temerario contraire. Siquis autem hoc attentare præsumpserit indignationem omnipotentis Dei, ac Beatorum Petri, & Pauli, Apostolorum eius, se nouerit incursum. Datum Romæ, apud S. Petrum, anno Incarnationis Domini 1492. Pridie nonas Octobris, Pontificatus nostri anno 1. Aliam etiam Bullam contra occupãtes bona nostra concessit; quæ est tenoris sequentis.



ALXANDER Episcopus seruus seruorum Dei; dilectis filiis Sancti Saturnini, & Populeti Monasteriorum, ac secularis, & collegiatæ Ecclesiæ Sancti Antonij de Medina del Campo Toletan. & Tarraconen. ac Salmaticen. Diœcesum Abbatibus, salutem, & Apostolicam benedictionem, Militanti Ecclesiæ licet immeriti (disponente Domino) Præsidentes circa curam Ecclesiarum, & Monasteriorum omnium solertia redimur indefesa solliciti, ut iuxta debitum Pastoralis officij eorum occuramus dispendiis; & profectibus (diuina cooperante clementia) salubriter intendamus. Sanè dilectorum filiorum Magistri Generalis, & Prouincialis, ac Præceptorum Commendatorum nuncupatorum, necnon fratrum Ordinis Beatae Mariae de Mercede Redemptionis Captiuorum conuestione percepimus, quod nonnulli Archiepiscopi, Episcopi, aliique Ecclesiarum Prælati, & aliæ Ecclesiasticæ personæ tam Religiosæ, quam Sæculares; neque non Duces, Marchiones, Comites, Barones, Nobiles, Milites, & Laici, Communia Ciuitatum, vniuersitates oppidorum, Castrorum, Villarum, & aliorum locorum, ac aliæ singulares Personæ partium diuersarum, occuparunt, & occupari fecerunt Castra, Villas, & alia loca, terras, domos, possessiones, iura, & iurisdictiones, neque non fructus, census, redditus, & prouentus dicti ordinis, illiusque præceptoriarum, Prioratum, beneficiorum, & locorum; & nonnulla alia bona mobilia spiritualia, & temporalia ad Magistrum, Præceptores, Priores, ordinem Prioratus, Præceptorias, beneficia, & loca huiusmodi spectantia, ac etiam elemosynas pro redemptione dictorum Captiuorum percipi consuetas, & ea de-

tinent

cinent indeuitè occupata, seu ea detinentibus præstant auxilium, consilium, vel fauorem. Nonnulli etiam partium prædictarum, qui nomen Domini in vanum recipere non formidant, eisdem Magistro, Prouinciali, Præceptoribus, & Fratribus, sub prædictis Castris, villis, & locis, alijs terris, domibus, possessionibus, iuribus, & iurisdictionibus, fructibus, censibus, redditibus, prouentibus, & eleemosynis Captiuorū, ac perceptione eleemosynarum, & quibuscumque bonis mobilibus, & immobilibus, spiritualibus, & temporalibus, ac alijs rebus ad eisdem Magistrum, Præceptores, & fratres spectantibus, ac priuilegijs ordini prædicto, ac illius personis, & eorum familiaribus, inquillinis, per sedem Apostolicam concessis, multiples molestias, & iniurias inferunt, & iacturas. Quare Magister, Prouincialis, Præceptores, & fratres prædicti nobis humiliter supplicarunt, vt cum eis valde reddatur difficile, pro singulis querelis ad sedem Apostolicā habere recursum, prouidere ipsis super hoc paterna diligentia curaremus. Nos igitur aduersus occupatores, detentores, præsumptores, molestatores, & iniuriatores huiusmodi, volentes eisdem Magistro, Prouinciali, Præceptoribus, Fratribus, Personis, familiaribus, & inquillinis remedio subuenire, per quod, ipsorum compescatur temeritas, & alijs aditus commitendi similia præcludatur; Discretionem vestram per Apostolica scripta mandamus, quatenus vos, vel duo, aut vnus vestrum per vos, vel alium, seu alios (etiam si sint extra loca in quibus deputati estis Conseruatores, & Iudices) eisdem Magistro, Prouinciali, Præceptoribus, Fratribus, Personis, Familiaribus, & Inquillinis, nunc & pro tempore existentibus efficacia defensionis præsidio assistentes, non permittatis eisdem super his, & quibuslibet alijs bonis, ac iuribus ad Magistrum, Prouincialem, Præceptores, Fratres, ordinem, illorumque personas, familiares, & inquillos prædictos, nunc & pro tempore existentes, nec permittatis ab eisdem, vel quibusuis alijs indebitè molestari, vel eis grauamina, seu iniurias irrogari, facturi dictis Magistro, Prouinciali, Præceptoribus, Fratribus, Personis, Familiaribus, & Inquillinis, ac eorum cuiuslibet, cum ab eis, vel Procuratoribus suis, aut eorum aliquo fueritis requisiti, de prædictis, & alijs personis quibuslibet super restitutione huiusmodi Castrorum, Villarum, & aliorum locorum, domorum, iurium, & bonorum mobilium, & immobilium, reddituum quoque, & prouentuum, & aliorum quorumque bonorū, ac dictarum eleemosynarum percipi solitarum; necnon de quibuslibet molestiis, iniurijs, atque damnis, præsentibus, & futuris, in illis videlicet, quæ iudicalem, requirunt indaginem summarè, & de plano, sine strepitu, & figura iudicij; in alijs vero prout qualitas eorum exegerit iustitiæ complementum; occupatores, seu Detentores, Præsumptores, molestatores, & iniuriatores huiusmodi, necnon contradictores quoslibet, & rebelles cuiuscumque dignitatis, status, gradus, ordinis, vel conditionis extiterint, quandocumque, & quotiescumque expedierit auctoritate nostram per censuram Ecclesiasticam appellatione postposita compescendo; Inuocato ad hoc (si opus fuerit) auxilio brachij sæcularis. Cæterum si huiusmodi occupatorum, seu detentorum, præsumptorum, molestatorum, iniuriatorum, & contradictorum, & rebellium pœnitentia præmonitionibus, requisitionibus, seu citationibus per vos, vel aliquem vestrum de ipsis faciendis tutè, & securè habere nequiverit; nos vobis monitiones, & requisitiones huiusmodi, ac citationes quaslibet per edicta publica locis publicis effigenda (de quibus sit verisimilis coniectura, quod ad notitiam citatorum huiusmodi peruenire valeant) faciendi plenam, & liberam concedimus tenore præsentium facultatem. Volentes quod monitiones, requisitiones, & citationes huiusmodi perinde ipsos citatos, & monitos (vt præmittitur) arctent, ac si eis factæ, & intimatæ præsentialiter, & personaliter extitissent. Non obstantibus fœlicis recordationis Bonifacij Papæ VIII. Prædecessoris nostri in quibus cabetur, ne aliquis extra suam ciuitatem, & Diœcesim nisi in certis exceptis casibus, & in illis ultra vnā dietam à fine suæ Diœcesis ad iudicium euocetur; seu ne Iudices, & Conseruatores præfati a sede Apostolica deputati, prædicta extra ciuitatem, & Diœcesim, in quibus deputati fuerint, cōtra quoscumque procedere, seu alij, vel alijs vice suas committere, aut aliquos ultra vnā dietam à fine suæ Diœcesis, trahere præsumat, & de duabus dietis in cōcilio generali edita, seu quod aliàs quā de manifestis iniurijs, & violentijs, ac alijs, quæ iudicialè requirunt indaginé, pœnis, in eos si secus egerint, & pœnis adiectis, quod Cōseruatores nullatenus se intromittant. Ac quibusdā per piæ memoriæ Calixtū Papam III. etiā Prædecessorem nostrū Episcopo Burgen, cōcessis, quibus inter alia motu proprio omnes, & singulas literas Cōseruatorias quibusuis Monasterijs, Prioratib⁹, dignitatib⁹, cū locis, Capitulis, Cōuentibus, Collegijs, ac etiā studiorū vniuersitatibus, illorumque, & aliquibusuis personis cuiuscumq; status, gradus, ordinis, & cōditionis

tionis existant, & etiam Patriarchali, Prouinciali, Archiepiscopali, Episcopali, Magistrati, seu alia quavis maiori Ecclesia, vel mundana dignitate præfulgeant, exemptis, & non exemptis, etiam motu simili, & ex certa scientia, ac sub quibusuis formis, & expressio- nibus verborum, & sub quibuscumque clausulis, etiam talibus, quod illis reuocari, seu modificari, aut alias eis in aliquo præiudicari non possit, nisi in ipsis de illis, eorumque totis tenoribus de verbo ad verbum specialis, & specifica, & expressa mentio, aut alia quæuis specificatio fieret, seu certus modus seruaretur per eundem Calixtum, seu alios Romanos Pontifices, aut sedem prædictam, in quantum Episcopi prædicti, aut Successorum suorum pro tempore existentium, necnon iudicum, & Conseruatorum in eisdem literis nostri Prædecessoris deputatorum; ac illius, & illorum personas iurisdictionem, do- minium, potestatem, libertatem, exemptionem, vel auctoritatem concernebant, aut con- cernere poterant, etiam si personæ ipsæ præfato Episcopo de iure communi subditæ non forent, aut in Ciuitate, & diœcesi Burgen. iurisdictionem ex tenore literarum eis con- cessarum exercere valerent; auctoritate Apostolica ex certa scientia reuocauit, cassauit, ac annullauit, ac pro infectis haberi voluit concedendas, nisi in ipsis de eiusdem Calixti Prædecessoris literis de verbo ad verbū mentio fieret de eis; motu & scientia similibus cum totali earundem literarum insertione de plenitudine potestatis expressè derogaretur ad dictos Episcopi Successores, & Officiales, (etiam si ad illos nominatim specificè, & expressè extendi viderentur, & extenderentur) nullatenus extendi decreuit, & declara- uit. Necnon præmissas, quoad subditos, vel quibusuis alijs concessas, & concedendas cō- seruatorias, quarum omnium, & singularū tenores, (ac si de verbo ad verbum insererentur) pro expressis haberi voluit. Quo ad Episcopatus, Successores, & Officiales, ac Sub- ditos, vel aliquem eorum tangen. Ecclesiasticos, vel Sæculares, tunc præsentis, & futuros in omnibus, & per omnia ad ius commune reduxit. Ita quod Conseruatores, seu ab eis deputati, Subconseruatores quoad causam dictos Episcopatus Successores, Officiales, & Subditos, vel aliquem tangen. (præterquam de manifestis iniurijs, vel violentijs per eos hætenus commissis, & in posterum committendis) nullatenus cognoscerent, vel ali- quam iurisdictionem exercerent, nisi inquantū à iure noscitur esse statutum, & ad quæuis alia suam potestatem non extenderent; super quibus, eis potestatem omnimodam de- negauit. Nec Episcopatus, Successores, & Officiales, & subditi præfati, vel aliquis eorum super alijs causis, & rebus coram dictis Conseruatoribus, vel Subconseruatoribus, aut eorum aliquo comparere, seu respondere, aut ipsorum mandatis parere teneretur. Et insuper voluit, quod Conseruatores prædicti in casibus, eis a iure concessis iurisdictionem nullatenus exercere possent, seu deberent, quoquomodo nisi præfato Episcopo, aut ipsius Successoribus pro tempore existentibus de literarum Conseruatoriarum, ac com- missionibus eis factis, plenam fidem facerent. Ac decreuit ex tunc motu, & scientia præ- dictis omnes, & singulos processus, nec non excommunicationis, suspensionis, & inter- dicti, aliàsque sententias censuras, & pœnas, & quidquid per supradictos Conseruatores contra præmissa fieri, vel attentari contingerit irrita, & innana, nulliusque roboris, vel momenti existere; nec non similibus, vel dissimilibus literis, & concessionibus, tam eidē Burgen. quàm Legionen. & Zamoren. Episcopis, & Officialibus, super prædictis, vel alijs clausulis derogatorijs, & decretis, & motu, & scientia similibus con- cessis (quibus illis aliàs in suo robore permanfuris) hac vice duntaxat derogamus, quàm alijs quibuscumque constitutionibus à Prædecessoribus nostris Romanis Pontificibus, tam de Iudicibus delegatis, & Conseruatoribus, quàm personis vltra certum numerum ad iudicium non vocandis, aut alijs edictis, quæ vestra possent in hac parte iurisdictioni, aut potestati, eiusq; libero exercitio quomodolibet obuiare; etiam quibus communiter, vel diuisim, à prædicta sit sede indultum, quod interdici, suspendi, vel excommunicari, seu extra, & vltra certa loca ad iudicium euocari non possint per literas Apostolicas non facientes plenam, & expressam, ac de verbo ad verbum de indulto huiusmodi, & eo- rum personis, locis, ordinibus, & nominibus proprijs mentionem. Et qualibet alia dictæ, sedis Indulgentia generali, vel speciali, cuiuscumque tenoris existat; per quam præsentibus non expressam, vel totaliter non insertam vestra iurisdictionis explicatio in hac par- te valeat quomodolibet impedire. De qua, eiusque toto tenore habenda de verbo ad ver- bum sit in nostris literis mentio specialis. Et insuper volumus, & auctoritate Apostolica decernimus, quod quilibet vestrū prosequi valeat articulum etiam per alium incoatum, quamuis idem incoans, nullo fuerit impedimento canonico præpeditus. Quodque à data præsentium sit vobis, & vnicuique vestrum in præmissis omnibus, & eorum singulis cœptis vel

vel nō cœptis, præsentibus, & futuris perpetua potestas, & iurisdicção attributa, vt eo vi
gore, eaq; firmitate possitis in præmissis omnibus captis, & non cœptis præsentibus, &
futuris, & pro prædictis procedere, ac si prædicta omnia & singula coram vobis cœpta
fuisent; & iurisdicção vestra, & cuiuslibet vestrum in prædictis omnibus, & singulis per
citationem, vel modum aliquem perpetuata legitimè extitissent; (constitutione prædi-
cta super Conseruatoria, & alia qualibet in contrarium edita non obstante.) Quodque
transumpto præsentium literarum manu alicuius Notarij publici subscripto, & sigillo
alicuius Archiepiscopi, vel Episcopi, aut alterius prælati, seu personæ in Dignitate Ec-
clesiastica constitutæ munito, ea fides in iudicio, & extra vbilibet, vbi fuerit exhibitum,
adhibeatur, sicut ipsis originalibus literis adhiberetur, si forent exhibitæ, vel ostensæ.
Præsentibus perpetuo valituris. Datis Romæ, apud S. Petrum, anno Incarnationis Domi-
nicæ 1492. decimo octavo Calend. Ianuarij, Pontificatus nostri anno primo.